



# SLUŽBENE NOVINE

## KANTONA SARAJEVO

Godina XIII – Broj 25

Utorak, 22. jula 2008. godine  
SARAJEVO

ISSN 1512-7052

### KANTON SARAJEVO

#### Vlada Kantona

Na osnovu člana 19. Zakona o trezoru u Federaciji Bosne i Hercegovine ("Službene novine Federacije BiH", broj 19/03 i 79/07) i člana 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), Vlada Kantona Sarajevo, na 71. sjednici od 16. jula 2008. godine, donijela je

#### ODLUKU

#### O ODOBRAVANJU PROVOĐENJA POSTUPKA IZBORA BANAKA ZA VOĐENJE DEPOZITNOG RAČUNA I TRANSAKCIJSKIH RAČUNA JEDINSTVENOG RAČUNA TREZORA KANTONA SARAJEVO

##### I.

Odobrava se provođenje postupka javne nabavke bankarskih usluga vođenja depozitnog računa i transakcijskih računa potrebnih za poslovanje Jedinštenog računa Trezora Kantona Sarajevo.

##### II.

Ovlašćuje se Ministarstvo finansija (u daljnjem tekstu: ugovorni organ) da provede postupak nabavke bankarskih usluga iz tačke I. ove Odluke i dodijeli ugovor o javnoj nabavci usluga, u skladu s odredbama Zakona o javnim nabavkama Bosne i Hercegovine i njegovim podzakonskim aktima.

##### III.

Za provođenje postupka javne nabavke ugovorni organ obavezan je imenovati komisiju za nabavke.

##### IV.

Ugovorni organ će, uz saglasnost Vlade Kantona Sarajevo, odabrati banku za vođenje depozitnog računa i banku za vođenje transakcijskih računa potrebnih za poslovanje Jedinštenog računa Trezora Kantona Sarajevo, zaključiti ugovore sa odabranim bankama i otvoriti račune kod odabranih banaka.

##### V.

Stupanjem na snagu ove Odluke, prestaje da važi Odluka o načinu i kriterijima izbora depozitne banke i budžetskih banaka Trezora Vlade Kantona Sarajevo, broj 02-05-1032/00 od 12. decembra 2000. godine ("Službene novine Kantona Sarajevo", br. 26/00 i 26/04). VI.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-22944-3/08  
16. jula 2008. godine  
Sarajevo

Premijer  
Samir Silajdžić, s. r.

Na osnovu članova 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), člana 29. stav 2. Zakona o ustanovama ("Službeni list R BiH", broj 6/92, 8/93. i 13/94) i člana 91. Zakona o osnovnom odgoju i obrazovanju ("Službene novine Kantona Sarajevo", broj 10/04 i 21/06), Vlada Kantona Sarajevo na 71. sjednici, održanoj 16. jula 2008. godine, donijela je

#### ODLUKU

#### O DAVANJU SAGLASNOSTI ZA IMENOVANJE DIREKTORA JAVNE USTANOVE OSNOVNA ŠKOLA "6. MART" HADŽIĆI

##### I.

Daje se saglasnost Školskom odboru Javne ustanove Osnovna škola "6. mart" Hadžići, da se ĐENANA ALISPAHIĆ, nastavnik razredne nastave i diplomirani politolog, imenuje za direktora Škole na mandatni period od četiri godine.

##### II.

Ova Odluka će se objaviti u "Službenim novinama Kantona Sarajevo".

Broj 02-05-22944-8/08  
16. jula 2008. godine  
Sarajevo

Premijer  
Samir Silajdžić, s. r.

Na osnovu članova 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), člana 29. stav 2. Zakona o ustanovama ("Službeni list R BiH", broj 6/92, 8/93 i 13/94) i člana 91. Zakona o osnovnom odgoju i obrazovanju ("Službene novine Kantona Sarajevo", broj 10/04 i 21/06), Vlada Kantona Sarajevo na 71. sjednici, održanoj 16. jula 2008. godine, donijela je